

սիրելի եւ կամ զորդի¹ եւ կամ զայլ ոք ի կարելոր բարեկամաց տեսանէիր մեռեալ, ո՞չ ապաքէն լայիր չարաչար, եւ լռել երբէք եւ ոգի առնուլ ոչ կամելիր: 35 Եւ արդ՝ զքոյին իսկ զհոգիդ² տեսանես հանապազ մեռեալ առաջիդ. եւ անշէջ հրոյն երկիւղ եւ գեհենին սպառնալեացն յիշումս միշտ զխորհուրդսդ խոցոտէ, եւ դու յորսայս անկեալ³ հեղգաս. զհա՞րոյ հանդարտել իսկ եւ կամ առ վայր մի կարիցես լռել եւ ոգի առնուլ:

36 «Յաւատացէ՛ք, զի ես ընդ բանսս իսկ զարհուրեալ դողամ: 37 Վասն որոյ զձեզ աղաչեմ, զջոկս⁴ հաստատնոցդ դեռ եւս եւ անգայթիցդ. մի՛ նմանեցուցանէք զաղաւթս ձեր փարիսեցւոյն, թեպէտ եւ բիւր բարեաց զանձինս գտանիցէք եղեալ պատճառ, այլ ասացէք, եթէ *Ճառայք անպիտանք եմք*^ա. եւ մի՛ առանց իւր բառնալոյ ընդ անմիտ կուսանսն ճանապարհորդիցէք ի հարսանիսն. գուցէ փակիցի⁵ դուռնն, եւ մնայցէք ամաւթալից արտաքոյ: 38 Եւ մանաւանդ դուք, որ ճամենայն ցերեկութեանն աշխատութիւն, զտաւթոյ, զքրտան⁷, զվաստակոյ եւ զտեւողութեան յաստուածային այգեգործութեան տնկելոյ յոգւոջ ուրուք՝ յամենայնէ վրիպիցիք, եւ զքնան կորուսանիցէք:

39 Արդ՝ եղիցի ձեզ ընդ այդպիսի զարդու՝ եւ զերկնից փափաքելի զգեւնուլ զզարդն, եւ ընդ այսպիսի⁸ ուրախարար պսակի, որ թուով աւուրս պայծառացուցանէ զստացողս իւր՝ զլուսատեսիկ եւ զերկնաւոր պսակն, զանապականն եւ զմշտնջենաւոր ընդունել յաջոյ Փրկչէն մերոյ եւ Տեառն Յիսուսի Քրիստոսի, լսել զփառաւորեալ եւ զերանելի բարբառն, թէ *Եկայք արի-*

1 *Գտ. չիք* եւ կամ զորդի

2 *ՏՏ.* զոգիդ

3 *Ձ.* յորայս անկեալ

4 *ՁԱտ. չիք* զջոկս

ա Դուկ. ԺԷ 10

5 *ՏՏ.* փակ իցէ

6 *Լրացնելու է* զամենայն ցերեկութեանն աշխատութիւն բարձիք, զսոթոյ *եւն*

7 *ՏՏ.* եւ զքրտան

8 *Գտ.* եւ անդ այսպիսի